

元始无量度人上品妙經卷之十五

月華陰景品

道言昔於寶明天中黃華梵景太素光土受元始度人月華陰
景无量上品元始天尊當說是經周迴十過以召十方始當詣
座天尊大神上聖高尊妙行真人廣寒上宮后妃元君嬪御仙
官散輝金童耀華玉女無鞅數眾乘空而來素雲玉霄金輿瓊
輪羽蓋垂蔭流精玉光灑彩結璘洞煥太空七日七夜諸天日
月星宿璇璣回標駐輪神風宛轉山海澄源天虛八浮地寂四
清一國地土山川林木緬平一等無復高下土皆作金璃通玉
交映無有異色眾真侍立

道藏輯要

度人妙經

卷

角集三

元始天尊立坐空浮九龍瓊臺雲層之上說經一徧諸天大聖
同時稱善是時一國男女始悟正因陰爲道母三元混沌於此
孕成說經二徧心識性解明悟道源說經三徧超離陰胎卽成
化育說經四徧乘此經力得飛仙道說經五徧聞法解理神澄
廣寒說經六徧金光徧空騫林搖響說經七徧法奧開顯保劫
長存說經八徧空歌洞章萬天遐唱說經九徧月后降輶飄花
凝秀說經十徧六陽俱朝忽成萬化是時一國是男是女莫不
傾心皆受護度咸得長生

道言是時元始天尊說經一徧東方无量品月華陰景大
神無鞅之眾浮空而至說經二徧南方无量品月華陰景

大神無鞅之眾浮空而至說經三徧西方无極无量品月華陰
景大神無鞅之眾浮空而至說經四徧北方无極无量品月華
陰景大神無鞅之眾浮空而至說經五徧東北无極无量品月
華陰景大神無鞅之眾浮空而至說經六徧東南无極无量品
月華陰景大神無鞅之眾浮空而至說經七徧西南无極无量
品月華陰景大神無鞅之眾浮空而至說經八徧西北无極无
量品月華陰景大神無鞅之眾浮空而至說經九徧上方无極
无量品月華陰景大神無鞅之眾浮空而至說經十徧下方无
極无量品月華陰景大神無鞅之眾浮空而至十徧周竟十方
无極月華陰景大神無鞅之眾一時同至一國男女傾心歸仰

道藏輯要

度人妙經

幸

角集三
又文川

俱聞天尊將說大法月華陰景妙无上道各相謂言聞經十徧
漸契玄宗陰景之機未畢祕奧我等初聞月本無光望如黑鑑
日滉水光暎以爲明金水之炁結爲陰景上弦爲金下弦爲水
合弦爲月金體圓就乾象周滿月侍日明日依月耀望而純陽
晦而純陰但知陽勝爲仙不知陰景爲六陽之母聖人尊陽貴
陰蓋以此義陰生於陽陽能生陰玄鳥縞兔交以天精極而返
之得者無死元始首唱月華陰景之道各捨密寶以覲受持來
者有如細雨密霧無鞅之眾迨國一半土皆徧陷非可禁止於
是元始以大慈悲入九陰觀湛然大定大眾仰觀瞻見元始返
神無息靜如寶山良久之頃化爲明月月出十華靈芒交映累

累陰景狀如日瞳紫光凌空內隱輪際海會驚觀仙民再拜伏
地忽然之間廣大月輪中現樓闕后妃宮殿仙民城郭明白如
晝月華流光雜寶同色合座渴仁心目驚駭旋攝月華變成寶
珠大如黍米在空玄之中去地五丈元始登引天真大神上聖
高尊妙行真人十方无極月華陰景大神無鞅數眾俱入寶珠
之中天人仰看惟見拂拂從珠口中入既入珠口不知所在國
人廓散地還平正無復欹陷元始卽於寶珠之內說經都竟眾
眞監度以授於我當此之時喜慶難言法事粗悉諸天復位倏
歛之間寂無遺響是時天人遇值經法普得濟度全其本年無
有中傷傾土歸仰悟道知陰陰景陰神陰氣陰精陰火陰化陰
道藏輯要

度人妙經

主

角集三
八二三

生陰胎陰變陰返至陽日月同并言爲陽華口爲陰關齊同慈
愛異骨成親國安民豐欣樂太平經始出教一國以道預有至
心宗奉禮敬皆得度世

道言元始天尊說經中所言並是月中結璘內名隱韻之音亦
是月中后妃夫人內諱百靈之隱名也兆能知之挹華採景至
陰生陽陽極仙身雌宮還感席降靈眞固兆血腦使生久存月
爲魄神血爲至陰陽爲陰留陽號胎陰陰稱祖土綠書祕文非
世之常辭上聖已成眞人通玄究微能悉其章誦之十過諸天
遙唱萬帝設禮河海靜默山嶽藏雲月降陰景黃飴易形羣魔
束形鬼精滅爽迴屍起死白骨成人至學之士誦之十過則五

帝來衛陰絡陽眞六龍負車三界稽首魔精喪眼鬼祇滅爽濟
度垂死絕而得生所以爾者學士穢氣未消體未洞眞召制月
華威未制天政德可伏御地祇束縛魔靈但卻死而已不能更
生輕誦此章身則被殃供養尊禮門戶興隆世世昌熾與善因
緣萬災不干神明護門斯經尊妙獨步玉京度人无量爲萬道
之宗巍巍大範德難可勝

道言凡誦是經十過諸天齊到月眞仵軒月中夫人爲兆列言
億曾萬祖幽魂苦爽皆卽受度上昇朱官格皆九年受化更生
得爲貴人而好學至經功滿德就皆得神仙飛昇金闕遊宴玉
京也上學之士修誦是經月華煥液變骨鍊神皆卽受度飛昇

道藏輯要

度人妙經

圭

角集三
XLL

南宮世人受誦則金精入身腦戶自鳴玉女捧章金童稟顏得
延壽長年後皆得作尸解之道魂神暫滅不經地獄卽得返形
遊行太空此經微妙普度无窮一切天人莫不受慶无量之福
生死蒙惠上天所寶不傳下世至士齋金寶效心盟天而傳輕
泄漏慢殃及九祖長役鬼官侍經五帝玉童玉女各二十四人
營衛神文保護受經者身

道言正月長齋誦詠是經月華陰景中有大神龍衣虎符度兆
先宗爲上世亡魂斷地逮役度上南宮七月長齋誦詠是經月
華陰景中有大神黃衣寶章刻兆仙名身得神仙諸天書名黃
錄白簡削死立生十月長齋誦詠是經月華陰景中有大神繡

裳大紳坐鎮萬靈爲國王帝主君臣父子安鎮國祚保天長存
世世不絕常爲人君安鎮其方民見太平八節之日誦詠是經
月華陰景布光八天得爲九宮真人本命之日誦詠是經月華
陰景立兆生形神生腹中玉珮金璫靈液注胃身得長生魂神
澄正萬炁長存不經苦惱身有光明三界侍衛五帝司迎萬神
朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐紫黃白三
色素雲之中內外蒼冥有青龍白虎朱雀玄武獅子白鶴羅
列左右日月照明洞煥室內項生圓象光暎十方如此分明

道藏輯要

度人妙經

三

角集三

密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前

畢

引炁三十二過東向誦經

元始无量度人上品妙經

元始洞玄靈寶本章月華陰景上品妙首十回度人結璘隱韻
離合自然混同陰景无无上真黑金之炁玄一之胎外陰內陽
至精未開靜極生神金水聚形圓照浩劫海嶽澄明陽獨化息
陰凝變停二象冥合玄牝體并陰升雨露陽降淵泉元始祖劫
化生諸天祖爲陰景月華含蓮開明三辰是爲天根上無復祖
惟道爲身月中靈文黃書騫林葉有玉章普殖神靈無文不光
無文不明無文不立無文不成無文不度無文不生是爲大梵
天中之天鬱羅玉闕藥淵金臺上極無上大羅玉清眇眇劫仞
若亡若存三華離便大有妙庭玉戶藥房森羅紫霧神霄梵炁
道藏輯要

度人妙經

書

角集三

周回十方中有月華陰景之神中有南極長生之君中有東極
青華帝君中有十龍飛車司馬大神中有好生韓君丈人中有
南上司命司錄延壽益算度厄尊神迴骸起死无量度人今日
校錄諸天臨軒

東方无極飛天月中黃華神王長生大聖无量度人
南方无極飛天月中赤儀神王長生大聖无量度人
西方无極飛天月中素魄神王長生大聖无量度人
北方无極飛天月中紫宇神王長生大聖无量度人
東北无極飛天月中神光神王長生大聖无量度人
東南无極飛天月中陰火神王長生大聖无量度人

西南无極飛天月中紅露神王長生大聖无量度人

西北无極飛天月中瑤闥神王長生大聖无量度人

上方无極飛天月中五后神王長生大聖无量度人

下方无極飛天月中玉妃神王長生大聖无量度人

十方至真飛天月華陰景神王長生度世无量大神並乘素雲

玉輿丹輦霞蓋金輪驂駕靈鳳十真白龍建廣寒之節耀靈神

旛前嘯天樂齊唱後吹神籟同鳴獅子白鶴嘯歌嚕嚕五老啟

途羣仙翼轅億乘萬騎浮空而來傾光回駕監真度生玉闕丞

相南昌上官韓司主錄監生大神執錄把籍齊到帝前兆能感

恩玉天流霞注極碧玄月中黃岳挹華祕泉神水透漠真光變

道藏輯要

度人妙經

卷

角集三

仙嘯液寶章心念白元有五夫人扶攜蹁躚沂煙奔車十龍駕

輶上動高晨下通幽關隨所應度嚴校詣天普告三界无極神

鄉泉曲之府北都羅酆三官九府十二河源上解祖考億劫種

親疾除罪簿落滅惡根不得拘留逼合鬼羣月皇符命時刻昇

遷北都寒池部衛形魂制魔保舉度品南宮死魂受鍊仙化成

人生身受度劫劫長存隨劫輪轉與天齊年永度三途五苦八

難超凌三界逍遙上清上清之天天帝洞璘無色之境梵行

東方八天

玉里延皇天

帝陸建封佐

秀峯碧華天

帝聖司高安

龍僑聖驥天

帝逸徒超方

平洞浩元天

帝彭冷丕江

濟真常樂天

帝辨宗豫元

震光保生天

帝廖都洛兢

化玄開敘天

帝仙瓊紫璠

九山龍淵天

帝云濤迷成

南方八天

赤陽鳳炁天

帝竺毗達良

耀靈寂思天

帝甯華笏

熏載陋賓天

帝妙漬慈恭

道藏輯要

度人妙經

素

角集三

錫真无極天

帝隱梵多容

絳立顯源天

帝初炎英摩

火巖考過天

帝瞻多倚臺

元命欽光天

帝聰規謨名

明虛正一天

帝邊朋祛屍

西方八天

尾神監籍天

帝乙魁綿都

鍊仙變玄天

帝嶽漸穹

夔文斬魔天

帝真陀兮公

七絕注明天

帝覺祿幽僅

太素布揚天

帝逸寧无均

梵光騰剛天

帝直嘉韞初

液靈化魔天

帝蘇伯寅

聖格致仙天

帝仲務建師

北方八天

混光騎昇天

帝號巴部迤

寶炁耀精天

帝正幼完時

道育曲蒙天

帝正昭泰光

越龍玄鑒天

帝海譽正該

命仙海畿天

帝保機永生

道藏輯要

度人妙經

圭

角集三
四〇八

落監總明天

帝季光熾倫

飛斗呈意天

帝耀次夷極

霄庭度眞天

帝正澤虔靈

三十二天三十二帝諸天隱諱諸天隱名天中空洞自然靈章
諸天隱韻月中之音月中之尊月中之神月中之眞月中之靈
九炁十華變化上清无量之奧深不可詳敷落神眞普度天人
今日欣慶受度歷關諸天請滅陰惡斬絕地根飛度五斗名列
太玄眞王監舉無拘天門東斗龍光西斗虎翔北斗狼據南斗
鳳璫中斗麟伏共成華芒爲月陰景變化奇常青帝吐霞白帝
執玉赤帝執火黑帝隱局黃帝合神月精鍊眞青景神王角應

巴元赤景神王箕翼擔天白景神王參力翻山黑景神王玄正
醜監黃景神王魁魍橫天月華陰景五色回旋降兆三官眞王
舉仙月華神王萬神之宗飛行鼓從總領神兵揚霞太空神光
赫奕諸天齊功陰眞度人嚴校北酆神公受命普掃不祥青龍
吐毒白虎四張朱雀前驅玄武仗旛擲火萬里流鈴八衝敢有
干試閉固月精金刀前戮玉戟後刑屠割鬼爽風火無停千千
截首萬萬剪形魔無干犯鬼無祆精三官北酆明檢鬼營不得
容隱金馬驛呈普告無窮萬神咸聽三界五帝列言上清

元洞肇萌陰景誕陽陽求於陰陰留於陽終始五運自龍及康
日在月中水護金房陽從陰生以柔德剛身無太陰發爲狂陽

道藏輯要

度人妙經

卷

角集三

陽絕形斃非聖用藏眇眇億劫混沌之中上金爲色下水爲淵
中有至無神炁所安風澤洞虛金剛乘天天上天下無幽無冥
無形無影無極無窮溟滓大梵遼廓無光陰景開明運度自然
元始安鎮敷落五篇赤書玉字八威龍文保制劫運使天長存
梵炁彌羅萬範開張元綱流演三十二天輪轉無色周回十方
旋斗歷箕回度五常三十五分總炁上元八景冥合炁入玄玄
玄中太皇上帝高眞汎景太霞嘯詠洞章金眞朗郁流響雲營
玉音攝炁靈風聚煙紫虛鬱秀陰景化仙千和萬合自然成眞
眞中有神長生大君青華公子月魄尊神太乙司命桃康合延
執符把籙保命生根上遊上清出入華房八冥之內細微之中

下鎮人身泥丸絳宮中理五炁混合百神十轉回靈萬炁齊仙
仙道貴生无量度人月有十門飛天寶輪罪福禁戒宿命因緣
普受開度死魂生身身得受生上聞諸天諸天之上各有生門
中有空洞謠歌之章真王靈篇辭參高真

第一月華陰景飛空之音

六合皆空

初无一物

空忽自嘘

炁風轉足

風號剛風

炁爲元炁

炁如黑霧

風鼓而聚

化爲黑月

遊汎無所

黑中生赤

赤九爲日

天地華實

月爲日根

十者徧出

道藏輯要

度人妙經

堯

角集三
リヌリ

五色流津

月華陰景

萬靈仰尊

至陰生陽

其光乃昌

造化之本

陰陽爲防

五引結璘精

天人來我傍

第二月華陰景眞王之章

龍山之阿

綠羅抱月

天光潛遘

四飛玉雪

極陽生陰

陰爲物君

陰靜無爲

萬物芸芸

陽動陰靜

陰景自正

靜則變化

各正性命

兆不知眞

常勞我神

自破居空

不知抱神

抱神曰靜

陰景爲令

中生至陽

飛神躡罡

咽黃金液

遊白雲鄉

胡爲樂世間

朱顏徒爾蒼

第三月華陰景眞王歌曰

神風駕明月

世界隨雲行

不知萬樓閣

玉棟虹霓生

天后服黃繡

曳環響葱衡

光分九天上

十龍馳素英

上學仰神廬

引華含至精

易骨三洗腸

神霄刻仙名

腦血白充溢

陰景延遐齡

玄露生海瑛

眞水來杳冥

南宮度七祖

北都消罪嬰

逍遙乘飛車

奔造廣寒庭

浩劫留芳顏

道藏輯要

度人妙經

全

角集三

千載無愁聲

故知上眞道

妙化生羣靈

我歌太清下

俯輪驂玉馬

金波漲天來

秀色若可把

月漿滋百神

再歌調再陳

此三界之上飛空之中眞王歌音參洞章誦之百徧名度南
宮誦之千徧眞王保迎萬徧道備飛昇太空過度三界位登仙
公有聞靈音眞王敬形敕制地祇侍衛送迎拔出地戶五苦八
難七祖昇遷永離冥官魂度朱陵受鍊更生是謂無量普度無
窮有祕上天文諸天共所崇泄慢墮地獄禍及七祖翁
道言此二章並是月中高眞結璘神王隱祕之音陰景之道陽
炁之先陽爲陰留月因日弦黑白分胎金水性全駐息延命育

胎固年天地持之月華蕊淵内生炁母萬類之元伏藏始祖眞火繼傳三官往來造物功全上帝無爲元德潛敷皆是大梵之言非世上常辭言無韻麗曲無華宛故謂玄奧難可尋詳上天所寶祕於玄都高上神霄玉清王府道君降世隨運下傳若有至人齋金寶質心依舊格告盟十天然後而付焉

道言夫天地運度否終日月五星虧盈至聖神人休否未學之夫疾傷凡有此災同炁皆當齊心修齋六時行香十徧轉經福德立降消諸不祥无量之文普度無窮

道言夫未學道淺或仙品未充運應滅度身經太陰臨過之時同學至人爲其行香誦經十過以度尸形如法則月華停彩陰道藏輯要

度人妙經

全

角集三

景降精眞炁歛生陽神盡復魂神徑上南宮隨其學功計日而得更生轉輪不滅便得神仙

道言夫天地運終星宿錯度日月失光四時失度陰陽不調國土有災疫毒流行兆民死傷師友命過亦當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人

道言凡有是經能爲天地帝主兆民行是功德有災之日發心修齋燒香誦經十過則諸天記名萬神侍衛右別至人尅得爲聖君金闕之臣諸天記人功過毫分無失天中眞王亦保舉爾身得道者乃當洞明至言也

諸天中大梵隱語无量音 道君撰

元始靈書月華陰景中篇

東方八天

陰陽邁景

月珠凝液

帖基輝魂

碧霞拔躋

粹功稱羅

乙珠罔壁

度靈疏妙

靈真秀激

郊中赫沙

祕俞勤律

昌角柳鬼

奇明映日

博訶元宗

化池杳密

陽真成風

運華調適

南方八天

道藏輯要

度人妙經

全

角集三

丹曜蔚靈

伺訣騰珮

陽規橫登

泊桴涓極

瑤湍函虛

真合定化

流乘步邦

補雲浮廊

敘驛騰炎

司執遄漂

瀾媚洞阿

禁真瓊洮

頽兵芝露

鎔叩蘊塞

奠振毗諦

玄方岐泰

西方八天

靈持啟傅

塾鏐雲帥

轄餽維爵

參畢昭對

狀皇仙叢

厯霞猶外

青扎禮光

金雷寂涓

鍊繁菲籠

三素閣兌

衍弼記寶

鳳闕璘嶠

典執討廉

玄鄉神衝

澄霸演熙

長庚浮瑞

北方八天

峒凌魁浪

敵波軒煥

薰儲藏輔

龍真丕傳

握紐陣魔

揭雷祝垓

烈山傾奔

黑虛刁端

蒼龜火蛇

幽泉斗官

制邪馘醜

頂剛巫鑾

洪矜寶源

躔危絡輪

蓋辰捧台

帝觀礫遵

道藏輯要

度人妙經

全

角集三

道言此諸天中月中璘文大梵隱語无量之音舊文刻書月中
十芒之闕以招結璘大神布光太無召陽成眞萬類得文陽歸
眞陰眞陰固陽使神炁存金體玉骨月華鍊形蕩穢致仙高上
欽聞贊天元功萬億福成字皆廣長一丈天真皇人昔書其文
以爲正音有知其音能齋而誦之者諸天皆遣飛騎神王下觀
其身書其功勤上奏諸天萬神朝禮地祇侍門大功眞王保舉
上眞道僊尅得遊行三界昇入金門此音無所不辟無所不禳
無所不度無所不成天真自然之音也故誦之致飛騎下觀月
妃遙唱萬神朝禮三界侍軒羣祆束首鬼精自亡琳琅振響十
方肅清河海靜默山嶽吞煙萬靈振伏招集羣仙天無氛穢地

無祇塵冥慧洞清大量玄玄也

道藏輯要

度人妙經

舍

卷三

正一天師清微弟子共百堅製作

道教學術資訊網站

角集三音釋

姘嫉本字 望音即 脆音脆 財也 頤同追 不正貌 瓊音傀 爛音瀾

鐸音勞 窳音勞 頤余頤切 窠音澤 下也 鈇音鉛 椰音加

雪音于 甘雨也 映與映同 克 飢音寺 糧也 聃音丹 鐸

音倫 覬蛆去聲 混音混 水光也 沔音紺 池也 礪音預 毒石也 璆

音渠 環屬也 泊音暨 境即競字

道藏輯要

度人妙經

卷

角集三

正一天師清微弟子共百堅製作

道教學術資訊網站